

بلوچی اکیڈمی کوئٹہ

سفر بے رنگیہ آچارے

© بلوچی اکیڈمی کوئٹہ

کتاب نام :	سفر بے رنگیہ آچارے
شاعر :	عادل سجاد
گالسنج :	الماس گالسنج
سرتاک سینگار :	زیر مختار
ڈیزائننگ :	بیرگ بلوچ
ترتیب :	نذر بلوچ
اولی چاپ :	2013ء
دانگ :	500
نہاد :	200/= کلدار

ISBN: 978-969-

1

عادل سجاد



بلوچی اکیڈمی کوئٹہ

بلوچی اکیڈمی کوئٹہ

ردء بند

- 9..... چاچ جنان انت..... میر عمر میر
 11..... سفر بے رنگیہ آچارے..... منظور بسمک
 13..... واب انت انسان..... زیر مختار
 14..... سفر..... عادل سجاد
 17..... ڈیہہ پہ ڈیہہ
 18..... پاداں بندیکے اڑان انت
 21..... دل پہ درمان گلاس
 22..... شنزاتگ ہوئے دمانے
 23..... دل جہان عیش آرام
 24..... جنگ گوں موسم نازینک
 25..... اودا دریا ادا
 27..... نہ پلے ارسانی دامن
 28..... چونیں جا کے اے

2



نامداات

دشتر نی نی نام

- 59..... گوات لنگاں لہمیں
 60..... آئیء وہدے وتا سینگار
 61..... دلء زبانء تئی دردء
 62..... آورت وشبو پدا تئی
 63..... نون آزمانء گوپتگیں
 64..... کاپورہ
 66..... سفر بے رنگیں آچارے
 68..... شاتیل
 70..... چیدگاں ربد بکن
 72..... اوست چراگے بڈان ات
 74..... ساچان سری
 76..... زپتیں چاڑ
 77..... بیگہ یے گریگ دویناں
 79..... ندارہ
 82..... تو چودریاء چٹاں منی
 84..... آگہیء سروز
 85..... ساہگ پدا اومان کنت

بلوچی اکیڈمی کوئٹہ

3



- 29..... انگہ پلاں جان نہ ششتیک
 30..... آس مُرتگ گوات
 31..... روج پلے ثرانگء
 32..... پینچو بے بُرمشء چڑکا
 33..... ہورء گیابان سمبہیننگ گواتء
 34..... ہرکا ہاموشیء کبسء انت
 40..... سوت
 42..... سوت
 44..... دَنز چنان انت روشندان
 47..... جہانء سردء گرمء
 48..... شپے زردیں چراگانی ہتم
 49..... زبانء دود ہوار
 50..... گم تئی کوہیں دلء
 51..... زہیرء ماہکان چادر
 52..... زمینء پُل سُرپنت
 53..... ذرچکیء بستار معنا
 54..... ندارہ گڈسراء پشکپیت
 55..... گواتء لٹنانی سرا
 56..... بلبلائی توار شہدین
 58..... مہپرء آبریشمیں دامء

”چاپ جنان انت روشندان نی نی“

”سفر بے رنگیں آچارے نی نی عادل سجاد شیرانی اولی دپتر انت۔
بگندے اے نام پہ لہتیں کساں نوک بہ بیت بلے بود ہنرگوں سند سالان کچھ کساس
نہ بنت ...

چنابا عادل دپ ہرمان نیست بلے وتی بے تواری چو سلاہ کارمرز
کنگ و رپک زانت ہر پد انت۔ پگر زبانی یکجاہ کنگ و مینگ زانت۔
عادل لبراز وتی تب حیثیت و بنگل سازیت ہے نوکی لبرانگی چاگرد
ماہ دیم و دنت۔
پہ درور اے شیر بچار ...

اے آس مرنگ گوات یا
زہرگ انت پولات یا

عادل لبر ز مانا نابلد نہ انت و نیکہ وتی چاگرد استیں جاور حال بے سماء
انت۔ جیڑ ہانی بیان کنگ و گوں زیری رنگ و درو شم زانت و اے زمانگ و
پُرشٹ و پُروشاں گندیت وتی حاجتاں چنت و نزاریت، دانکہ مستریں تاوانی بہ
رگھیت گداوتا اے رنگ و سلاہ دنت ...

کُت چراگہ ہمسفر
دل وتی بندات یا

بلوچی اکیڈمی کوٹہ

4



وتی اہد و گلگ و انجیں وڑی و کنت کہ حیاں و درو شم روشنائیں سفرے
دز جن انت و شیر و شیر کنی چوالوتی و گوشاں پشکپیت۔
بیاد لگوش کنے اے شیر و

دز چنان انت روشندان
بار گران انت روشندان
یا

اے گوات کہیسی لڈان انت
چاپ جنان جنان انت روشندان

اے تیوگیں دستونک ستا کرزیت گوں وتی نوکیں درو شم و چہر و شیناں
یک گیشیں لذتی و گمان بیت اے کتاب و تھا یک لچہ یے ”کا پورہ نی نی و سر حال و
مان انت نزانان اے لچہ من چنت رنداں و تنگ و دانکہ اے و ہداں انگت ہمیشی و
سحر و چہ نہ گیش انگاں۔

نوں ہمیش انت ”سفر بے رنگیں آچارے نی نی شمنے دست و انت ...

بلوچی سببات
میر عمر میر

26/06/13

بلوچی اکیڈمی کوئٹہ

5

سفر بے رنگیہ آچار

”ملک پہ زید زیب آنت ء زید پہ مردم نی نی راستیں ہر ہمیش آنت کہ بلوچ راج شاہگانیں زید ء ندرگ گنجیں گلزمینی ء ہدابند آنت، باز گالوار ء دپ رچوکیں زبانی داریت، بلوچ ڈبیہ ء ہر گنڈ ء آثر اپ، ہر د مگ ء آپرچ ء وتی جتائیں رنگ ء پٹیسے... ہمے رنگ ء بندی ہند ء مینگ پہ ازم ء ہنر سازی ء باز ازار ء پہ مردم سازی ء باز نادر آنت... بلوچی زبان ء اے نوکیں نام کہ پہ شاعری ء جوانیں باندائی ء ہدابند آنت... عادل سجاد ء شاعری ء جوانتریں تاسیر ایش آنت کہ دل ء ایر کپیت، شیر ہماو ہد ء دل ء ایر کپیت کہ چہ دل ء در کثیت، عادل ء کیشتر شیر چہ دل ء در اتلگ آنت، پمشکہ راستی ء ہک ء شین ء زند ء زگریں بو ء باس آنت۔“



جہان سوچیں نگد کار ء اے ہبر کہ ”لبر انک انفرادی نی نی جیڑہ یے، ایشی ء گوں چا گرد ء زندگی ء بچ ء وڑیں سر ء کار ء نہ بیت، گیگان گریں وانوک ء گوشداروک بگندے گونے بے بنیں باوست ء تپاک بہ جنت بلتے عادل سجاد وتی زند ء چا گرد ء ہست ء ہرجاہ آنت... دید ء رڑ نے بکشگ ء آنت، عادل پہمگ ء مارگ ء در شانگ ء اولی پدانک ء سر کپتگ، آئی ء ہرت مارشی ہمے ڈسیت کہ آوتی زمانگ ء زندگیں توارے، اے ہمائی ء کار آنت کہ اے توار ء چنچو بڑ بارت ء چنچو ایر مادکنت... بس منی گوں دوستیں عادل سجاد ء دز بندی ہمیش آنت کہ بوانیت ء نبشتہ بکنت، مادنیں راہے ء مسافر آنت، الم سوبانی منزل ء سر بیت۔“

بلوچی سبزیات

منظور بسل

بلوچی اکیڈمی کوئٹہ

واب انت انسان یممی ۽ گٹ ۽

شاروتی زمانگ ۽ آدینک ۽ ہر زمانگ ۽ زبان انت۔ عادل یک
زبانی ۽ جہت ۽ ہمیش انت تئی دست ۽ انت۔ بلتے تو گندے کہ باز تا کاں
عادل گوں آدینکی ۽ اوشتا تگ۔ آدینک ۽ وتی جند ۽ تچ رضا نیست۔ بادشاہی
عکس نیگ انت۔ من عادل ۽ شہر ۽ نشتگاں، ہے بازاراں، ہے میگاں، ہے
دماں، یممی ۽ گٹ ۽ آں۔ چم ۽ واپیں ۽ چم ۽ آگاہ... آگہیں چم و
درستانی دیستگیناں گندیت..... بلتے واپیں چم ۽ دیستگیناں نہ گشگ بنت ۽ نہ
اش کنگ تہنا معنا لوٹ انت۔ ہے دیستگیناں واپانی معنا ۽ یک نامے شاری
انت۔

زیر مختار/پسنی

20/06/2013

6



سفر.....

پہ شیر ۽ توجیل نہ سازاں، البت ہوش (شعور) ۽ کاربنداں۔ کمیں دیدن ۽
گتہ کاری ۽ رند ادا اتلگ ۽ سر بوتگاں (لبرتی نی کمیں نی نی ۽ پہ شان نبشتہ کنگ ۽
نیاں بلکیں ایشی ۽ سوب اش انت کہ پہ شیر ۽ دیدن ۽ گتہ کاری روچ پہ روچ وڈان
بنت پمیشکہ ۽ باز نی نی گشت نہ کناں) اے کمیں مدت ۽ تہا من باز شیر درتگ ۽ باز
گار کتگ..... اے کار ہم پہ ہوش کتگ..... من شیر ۽ مشیت ۽ دار سر پد
نہاں من ایشی ۽ تہا ہر رو بدلی ۽ جلوانا کی گندگ لوٹاں..... من لوٹاں شیر ہر رونوک ۽
پتیاں جامگے گور ۽ بکنت، انچیں کہ آئی ۽ پیسرا گور ۽ نہ کتگ ات..... بلتے من تہنا
شیر ۽ زاہری ۽ زورم ۽ جلوانا کی ۽ شر رنگی ۽ دلم نہاں، چہ اندر ۽ آئی ۽ ازگار ۽ زیبا بوگ
لوٹیت..... گڈا شیر ۽ جلوہ چم ۽ دل ہر دونیاں سارت کنت... اگاں شیر ادا سر
نہ بوت کار ۽ نیت.....

منے لبرانک ۽ شہر ۽ جاہ مندناں چہ واب ۽ بست و کتگ بلتے انگہ
چٹاں لتارگ ۽ انت، کسے بہ لوٹیت رنگ راہی ۽ دور کت کنت... بلتے من باز

بلوچی اکیڈمی کوئٹہ

پُل و ت ماں و تا کنت الوت
بیگہ ء گوات ء چڈکابند انت

7



چارے بیچار کت... گڈی ء استاد مُنیر مومن ء ساچان ء اتکاں... استاد سکین
مہروائیں مردے، بلے پہ شیر ء بچ رگبت نہ کنت، بگندے آئی ء ہمے سپت ء
برکت انت کہ منی وڑیں شائری ء شیراں گوناپ کش اتگ، من دل مزین
کت ء لبرانک ء شہر ء ایرکپتاں... اے سفر ء تہا ذرا ہیں سنگتاں مناچہ تن ء
گژن، گرم ء سرد ء رگیتنگ من درستانی منت واراں.....

وانوک آجوانت پہ شیر ء وانوک بندیک کنگ نہ بیت، پرچا کہ شیر
تجوکیں آپے وتی راہ ء درگیجیت وانوکاں یک جا گہی ء اوشتگ ء شونز بندگی نہ
انت، پیشکہ آجوانت..... ہر نیمگ ء دل اش بہ لوٹیت آپ ء راہ بکن انت۔

عادل سجاد پسنی

15/06/13

بلوچی اکیڈمی کوئٹہ

*

پاداں بندیکے اڑان انت گواتے
کانچیں بالاد پُرشان انت گواتے

کئے شپیں بوجیاں بہ پہر یزیت
آس دریاء بلان انت گواتے

شنگ کنان انت گوتیلیں بیکاں
چاڑ نوں شور گران انت گواتے

8



ڈیہہ پہ ڈیہہء تجیت پگرے شہجومنی
کنیت شیرے تھا ہاکے وشبومنی

کنت ہجبت منا ترانگے سر بگر
گوں سواساں اڑانت پاد ہررومنی

بلوچی اکیڈمی کوئٹہ

اُودا ہر رو من ٹرانگاں شوداں

اُودا شہکور تلان انت گواتء

ہشکیں تاکانی زرڈکیں زیر

پاداں پادینک دیان انت گواتء

است چچے، نہ چراگے، ماہے

شہرء اندام مَجان انت گواتء

لڈگء آنت دریگ ء دروازگ

لہمیں نازینکے پدان انت گواتء

کسے نشگ ادا گشے عادل

مہپراں مسک مُشان انت گواتء

*

9



سر جنان انت ہدام دَمک ء دراں

ہلک بے ڈس ء نشان انت گواتء

بیا وتی صورتء سنجء مین ء

شار بے رنگ بوان انت گواتء

کاروان المء چدا گوستہ

دامن اول دَنز چنان انت گواتء

ہورء گورتہ زمینء دلبندهء

کشتگیں توم ردان انت گواتء

ماڑیاں بُرز بران آنت شہرء

دابء آدینک پُرشان انت گواتء

*

بلوچی اکیڈمی کوئٹہ

شزراگ ہوئے دمانے پدا واہر بوتگ
 مرگاں نازینک جنگ پلاں شکر پر بوتگ
 کسے گوستگ منی بے رنگیں نگاہاں انجو
 صورتے پُرسنگیں آدینکیء زاہر بوتگ
 نرپتگنت شیر ادا وشبوئے رنگانی تھا
 تو کہ ہر پُل بدن دزجتہ شائر بوتگ
 مرگے است ات، نہ تیا بے، نہ شپیں بوجیگے
 مدتیء منی چٹانی تھا زر بوتگ
 پہ تئی لیبونیں بچکندے بلوریں شہمء
 دل چوزہگء منی دَمکانی تھا گر بوتگ
 روچے الم من شہازاں وتی جاہء عادل
 نوں اے کشکء منی دیوانگیں سر پر بوتگ

*

10



دل پہ درمان گلاسء تنگے
 انگتہ مان گلاسء تنگے
 نڈاں، نڈان ماہ گوں استاراں
 ملی، ملان گلاسء تنگے
 رتنگ انت ہون دلء الکاپء
 بیا منی جان گلاسء تنگے
 بچ مہ گش مرگء کنڈگ انت عادل
 گڈی ارمان گلاسء تنگے

*

بلوچی اکیڈمی کوئٹہ

11



جنگ گوں موسمؑ نازینک مُرگاں
نوں امبازاں گراننت شینک مُرگاں

بہ بیت ساچان گوں کوچی کتاراں
بہ لڈیت شپ چو آدینک مُرگاں

مُدام بیحال بوتنت مُرگؑ دامؑ
چنت پہ مژدہ واری چینک مُرگاں

نہ ذرچکے، ساہکے، آپے، پلارے
لوارؑ سر کتگ آسینک مُرگاں

چہ شہرؑ بدگمان بوتنت انچو
کتگ جنگل وتی ماتینک مُرگاں

نکانؑ چانگے کم کُت پہ زہگاں
نہ بوتنت بہر کہ پتکینک مُرگاں

چے کارؑ کنیت چُشیں کشتؑ کُشاری
مہ کنت جوہان داں سیر چینک مُرگاں

*

دل جہانؑ عیش ء آرامؑ کُشگ لوٹیت منا
بڑگیں راجؑ امانت سر کنگ لوٹیت منا

گژگیں ہر ساہدارؑ زندگی انچو گشتے
نان ماں ہوناں دلنیگاں پر جنگ لوٹیت منا

کوہن بوتگ زندمانؑ رنگ نوں بنی آدمؑ
نوکیں جارے، نوکیں پیگامے دنیگ لوٹیت منا

شازرے آل من چو وشبوءؑ نہ ہاں گندگ بلتے
ہر گورا ہر ہلک ء بازارؑ پُرشگ لوٹیت منا

پاڑلؑ گشتگ ء نئے گشتگ عطا شادؑ کدی
شیر یک نوکیں وڑے عادلؑ گشتگ لوٹیت منا

*

بلوچی اکیڈمی کوئٹہ

بیا او شیر شُشتگیں ماہکان
گیر کاریت ترا ریگزار

دیدگاں مئے رُدانِ انت گشتے
ریگزارِ سرء ریگزار

بیا وتی دامنِ اے دلء
برپیں چولاں پتا ریگزار

آپ عادل نہ متنگ ادا
رُستہ آسء تھا ریگزار

*



اُودا دریا ادا ریگزار
ایرِ رچانِ انت دلء ریگزار

آپدانء بہ پھریز وتی
سرگرانِ انت پدا ریگزار

ہر کجا من رواں کنیت گوں
پد کنانِ انت منا ریگزار

بار گپنت چراگانی چم
مرچی گوستگ ادا ریگزار

گوں تو بستگ منی زندمان
بر منا گوں وتا ریگزار

کد ماں ثنء وتی چادرء
مانپوشیت منا ریگزار

زی ادا شہرے ات روگنیں
مرچی اتنگ کجا ریگزار

بلوچی اکیڈمی کوئٹہ

نہ پلے ارسانی دامنء کپت نہ دُعایے چٹانی مُستجا بوت
اے ابدء پیشانیء نہ بہم اِت زمین پہ سجدگے رضا بوت
یہ مدتیء تئی مہر پمن کپوتے اِت موسمء کدوء
نہ منت ودارء آذرچک سبزیں ء دل زہیراں گوں آشنا بوت

تئی یات بندیکیء کمانت چو تزیء مہرگاں شیروکیں
پدا ہمائیں دلء کپودر گمء پکیرانی ہمسدا بوت

نہ رتنگ اِت سُرمرہ دانیء شپ، نہ منیم چٹانی ہکء اِت
بلوریں نازیبنکیء نوانء چراگیء زندگی سبا بوت

گوں ہون ء ہوشامء میتنگ اِت دل، نگاہاں دریائے لڈگء اِت
پہ جلگء ساہگے نوان اِت نہ جُبنزگء توکلے منا بوت

من دوشی تئی ترانگاں گوں وپتاں ء سہسی سرجہء پل سُرپتاں
سمین دروازگء جنان اِت شمء شپیں لنکے درا بوت

13



چے پتیم اوستانی سوچنء گوں زمانگء دامنء بہ ترکاں
اے شنگیں امروزء تیچ ء تاباں نزاںاں بندیکء سرکجا بوت
نوں اودا بس ترانگانی دَمکء ماں ساہگء ایوکی پتاتگ
ہمودا سُرپنت تئی جیگیء پل ہمودا گواتء سپر بنا بوت

*

چونیں جا کے اے گیبء آسے
چٹاں ہوشائیں تیابء آسے

پدر اِنْت چمء کمانء تیرے
ڈک اِتگ زلپء تنابء آسے

بار دے مہرء شُشتگیں جونء
پر بدے واہگء وابء آسے

چست بیت وہدے دل دوکڑ بیت
شیر دردانی زرابء آسے

تنگیں دیدگاں منی عادل
عشق دریاء حسابء آسے

*

بلوچی اکیڈمی کوئٹہ

14



آس مُرتگ گوات یا
زہرگ آنت پولات یا

من ترا بیحال کتگ
تو نیائے یات یا

دل مئے ہورکیں کاگدے
غم نویں ے، شات یا

زہگ ارساں میچل انت
گریوگ آنت مات یا

گزن کشک تو وتی
نیست ترا پُجات یا

تالہ انت کہ وش نہ انت
مہروانیں ذات یا

کُت چراگے ہمسپر
دل وتی بُندات یا

ڈرچک زمین پخجک
بندی آنت آزات یا

*

انگہ پُلاں جان نہ شُشنگ نوداں شزگ دمہرتگ
گوات سباء سرکپتگ نُوں ماہء جُنزگ دمہرتگ

مرچاں زندء وشیں گوات زاناں کشک سیر کتگ
مرچاں ذرینء تئی گیوارء رنگء دُزگ دمہرتگ

لہتیں روچیں شیر نہ گُشنگ، مرگء قہریں امبارء
لہتیں روچیں زردء جیڑگ، چماں گریوگ دمہرتگ

سہتے دیمء وہد نہ ٹلکیت، گامے پشتء اوست نہ روت
مرچی انجو بیت شُبینگ روچء کنزگ دمہرتگ

عمرے گوستگ بے ہوریء، عمرے گوستگ ڈکالء
زندء نیکیں پال نہ اتکنت، مرگء مازگ دمہرتگ

آپء راہ ء رند شمشنگ، چنگاں ساہگ مٹاتگ
عادل زندء ہشکیں ذرچکء زاناں سبزگ دمہرتگ

*

بلوچی اکیڈمی کوئٹہ

تو کہ کائے دل چو برپے سرد بیت
تو میائے دل چو تینے تپت کنت
جلگہیں شہرے اوں تہنائی رسیت
کوہ گیبانے اوں پلے سرپت کنت
تو کجام نیمے نگاہاں اندرے
دل کجام دستے بلیٹیت وپت کنت
بے ریائیں وہدے عادل سینگے
تئی وڑیں شائر کجا پشکیت کنت

*

ہورے گیابان سمبہیتگ گواتے نازینکے چتے
بیا کہ پتو بیکراریں مرگاں آدینکے چتے
ہو پدا تیرے سرچپکیں نوبتے سوہاں کتے
اہدے جوہانے کپوتیں واہگے چینکے چتے



روچ پلے ٹرانگے پلے نہ جنت
آ وتی دیوانگے پلے نہ جنت

سال گوستنت موسمانی منتے
گم دلے ویرانگے پلے نہ جنت

آ منا کوہیں گماں گوں لئیب دنت
دل بلے دُرانگے پلے نہ جنت

یک دمانیے مسامے دنت روت
شب جتیں ممانگے پلے نہ جنت

*

ہنچو بے برمشے چڈکا رپت کنت
من نزانت آ چو نگاہاں کپت کنت

ہونے بوے کنت ہمک لبزے بدن
کینگ زہری کہ شیراں زپت کنت

چو منیگے کئے بہ نازینیت ترا
چو مناتئی مہپراں کئے گوپت کنت

بلوچی اکیڈمی کوئٹہ

ہر کاہاموشیء کبسء انت

شہرء پیشانیء کچکاں وپتہ
 بکس ءے کشکانی سرء سائیل انت
 تیرے بے تائیں دریگاں گوار انت
 زہرے دمکانی رگاں تالان انت
 چمے روک انت ء زبان ءے پسگیت
 ترس ء زیرنوں میزاں میزان ء
 ذراہیں دروازگاں پتاہان انت
 وہم ء میلانگیں حصار ء ہر کس
 آسے بالیت ء و تاشوہا زیت



شینک ہر روپہ کلہ راہی بنت
 ہر رومرگانی لڈ ء بارنجنت
 ہر رواے دیگر ء زیمیں بانزل
 سنج رنگانی نقاب ء پوشنت
 کوش دریاء تب ء پرداریت

دوشی دریا آزمان ات، آزمان دریا گشتے
 چولاں استالے پتاتہ، نوداں کرکینکے چتہ

جاگہے الم تئی ریٹائیں مہپر رتگ انت
 سہمی سائیں آزمان ء ٹرگیں شینکے چتہ

دل چے پئیم سگ ات بکنت عادل گریب ء شینک ء
 مدتے گوستہ یہ نانے نٹیکہ پتکینکے چتہ



بلوچی اکیڈمی کوئٹہ

17



جیڑا توں ساہگے بہ سا ساراں
 ہو بلتے چوں و تابه نڈاراں
 وہدے آدینک ۽ بارگیں چا نکاں
 زندہ صورت اوں شنگ ۽ شنگ کتگ
 بس ہمنچو کہ سا گہوں کنزانت
 دُور رزنائی ۽ شہاراں گوں
 درد ۽ زلپانی تیچ ۽ تاب اڑانت
 چم سر جاہ ۽ نکشیں جالاراں
 واب ۽ بندیک ۽ سر ۽ شوہا زانت
 ☆

عمریا تانی دپتر ۽ واہند
 بیلی ۽ تبد ۽ بیلی ۽ سارتی
 مرگ بے دابیں لکیرانی سفر
 کسے کشیت ۽ کرو جیت کسے
 زی ہے ساہتانی دل بند ۽
 رپنگیں مردی ۽ عصاء جک ات
 گوں من ارمانی این دے گشت ۽

لہڑیں چولانی کوپگاں ہرو
 اوست ۽ بوجیک ۽ جنازہ لڈیت
 من گوں ارمان ۽ لپیگیں چکاں
 دانکہ چنت روچ پاتھ ونگ
 نوبت ۽ رگزار ۽ کبر کتگ

☆

شب و دارانی ساہگ ۽ جنزرات
 سہب ۽ بے رنگیں ندارہ شنگ ات
 دیستگ من گوں اری این چماں
 زردیں تاکانی رنگیں ارواہ
 گوات اش ہر نیمگ ۽ پتاران ات
 بندیں لوگانی پچیں روژندان
 جاہ منندان ۽ دار ۽ دنزانت
 کس نہ اتنگ ادا چد و پیسر
 ہرچی تہنائی ۽ پے دل رتنگ
 موکواں تند ۽ پیلسناں
 گم پناہ یے کتگ ۽ پرداتگ

بلوچی اکیڈمی کوئٹہ

18



گوات ۽ نازکیں سماراں لڈ آنت
 ساہگ ۽ ۽ پتگیں شہیدانی
 وشو یے روئگاں گوں پیوست آنت
 ثرانگ ۽ موسم اش ابدان آنت
 پگر ۽ استال اش انگتہ شہم آنت
 بنیم ۽ پولاتیں سگار اش ذرپش آنت
 سگ ۽ او پار ۽ مہری ۽ سوار آنت
 جی ہماہانی مہروانی ۽
 مھکمیں دل چوریدگیں گڑ ۽
 پھری ایں سرچو گنگر ۽ بزرزیں
 چوسپاہی ۽ پاسبان بوتنت
 پدہماہانی اہد ۽ رہشون آنت
 گام اش بہہ پدنہ کنز اتنت راہ ۽

☆

دیریں انسان ودار ۽ نشنگ
 کد ایتانی سجدہ یے شہمیت
 پلے ارسانی دامن ۽ بہ کپیت

اے ہماجا کہ انت ادا پیسر
 سہباں نازینک گوانزگاں رتکنت
 بیگہاں رنگ شیشگانی تہا
 مرگ پہ سنیل ۽ سواد ۽ اتکنت
 پل پہ زید ۽ دارہ سر پنت
 شاد ہی جمبرے ساچان ات مدام
 لئیب ۽ شیکو ۽ شیک اتگ زہگاں
 کسہ ۽ آس ۽ تاپ ات اش بالادنی نی
 نوں بلے و ہد جنز اتگ دیم ۽
 انگتہ گیگ ۽ گورنہ آنت مردم
 کسے ۽ دل نہ ٹپ اتگ انگہ
 کسے ۽ جم نہ کر تگنت تو شگ
 ہر کہ بیوانکی ۽ مجاں گار انت
 ہر کا ہاموشی ۽ کبس ۽ انت

☆

اودا کبرانی ناز بوسبزیں

سوّت

لیلو لیل بہ چنڈینیت
ڈرچکاں گوات بہ نازینیت

ذرداں زہیر میاریناں
چٹاں ارس چکاریناں
کسے بنیت بہ سہڑینیت

ژند آنت اوست کپوتانی
دور آنت دوست کپوتانی
شپ ارواہ نالینیت

زُلیاں کوش بکنت ملما
پُلاں نود بکنت سرجا
آس آپ بہ واپینیت

بلوچی اکیڈمی کوئٹہ

19



کد دعابانی کپودر سہزیں
گمبند اں چست بنت پکیرانی
موجریں لٹکانی سرشاہاں
مہلبیں تزیٰ ہمک دانگ
زلم سیاہیں شپ چراگے بیت
گوں ہے لذتاں نہ بیت آسر
الم جُنز منزلے لوٹیت
بیاشکاری گوں ژندیں بہ ہاراں
وہد اسپء را پدازہن بکن
تیراں سوہان ء کمان ء سنجین
ژرس ء بے نام نی نی ء بکن ٹکٹ ء نشان
شہر ء بے متیمیں دیدگاں دانکہ
داب ء ژرثنائی یے بہ بیت سہرا

بلوچی اکیڈمی کوئٹہ

سوٲ

لڈاٲگ سرجمؑ آزمان
ہورک ؁ ہالگیں ماہؑ گدان

روکیں استار گیمرتگنت
باریں جمبر کجا رپتگنت
است آسے نہ ہورؑ گمان

ماہکانؑ بلوریں شہار
ایر رچانت تی اسپتیں شار
چمؑ تاسؑ تہا ہر دمان

آزمانؑ دلؑ شہم اتنت
شپ بلوکیں دو استار اتنت
نوں کجاں من گج انت مہروان

20



کشکاں مہلب درنزاں بیا
چو استونؑ شنزاں بیا
بیگاہ یاتاں پرینیت

گیاباں تئنؑ آپ بکت
بالادؑ وشگواپ بکت
کوراں ہور بہ ٹوہینیت

ساہگ عادلؑ واب کپنت
روچؑ زردیں تاک رچنت
رولہ رنگاں ماں شانیت
ذرچکاں گوات بہ نازینیت

بلوچی اکیڈمی کوئٹہ

21



بیا نُوں روچء سر کشتگ
پاد آیان انت روشن دان

شہرے رتگ ہر نیمء
بچکندان انت روشن دان

من دیمء جُنزاناں یا
پد کنزان انت روشن دان

ڈنء ہور انت، ہورء سرء
شتر میسان انت روشن دان

داں شبند انت دروازگ
دل مونجان انت روژندان

تچکیں کشکاں امروزء
ایر بران انت روشن دان

مُرگ سستنت کتارء وتی
نود پیچان انت شارء وتی
روچ ساہگ نہ شب نوان

واب چماں وتی گوپتگنت
ذرچک زہیریں دلے وپتگنت
وش نہ انت بے ترا زندمان

*

دَنز چنان انت روشن دان
بار گران انت روشن دان

گوات کہیہی لڈان انت
چاپ جنان انت روشن دان

اچ منے چماں بے متیمیں
باج بران انت روژندان

بلوچی اکیڈمی کوئٹہ

22



تو کہ لڈ ات ہنکین
کور بوان انت روشن دان

آس نوان کت بالواں
دور نشان انت روشن دان

دماں پھریز نوں آج وت
سر کشان انت روشن دان

دل بازارے، دریایے
چول پُروشان انت، روشن دان

شپ ایر اتلگ گلانی
واب کپان انت روشن دان

عادل نیست دگہ چیزے
بس جُنزان انت روشن دان

*

جہان سرد و گرم بار کشیت
منی دل اُشرے اوپار کشیت

کدی باہینیت دنیا متاہاں
برے شائر چه لبزاں کار کشیت؟

نہ پھمیت کس زبان شاتلانی
گنویں دل منی پاہار کشیت

آ ہر دیں گیر کنت مئے سگتی
چه آستونک وتی سیہ مار کشیت

بچار ازم ملانک ہم گنو کے
بچار آپ سرا گیوار کشیت

دل بوجیگ نوں گوات میار انت
کجا باریں سرا آچار کشیت

کدی تئی شائری پل عادل؟
سُرپیت چو گواڈک آتار کشیت

*

شے زردیں چراگانی ہتم اودا

بلوچی اکیڈمی کوئٹہ

زبان ء دود ہوار نئیکہ ہاک ء ہون شریک
نوں انچو سستگین من، تو کہ انچو مرچی ء زیک

سباہاں پُل سُر پنت نئیکہ بیگہاں کنجل
ماں کست ء کینگ ء شہر ء دل انت مہر شدیک

آ پیڑ گاہ ء ندارہ پمن بہشت گونگ
آ دوست ء مہلبین نرانگ پمن سمین ء شیک

پدا ہمائیں تہاری یے مانپوشان انت
دمانے ذرپش اتگ ارواہ ء لنکاں مند ریک

نوں گوات ء جاگ ء چانکاں ماچون گپت کنیں
تو اہد ء پُر شنگیں سوچن، من سستگین بندیک

*

23



کدی سبز انت تئی نیکیں کدم اودا

چو ہور ء گورتگ ارساں کپوتانی
چو ذرچک ء رُستگنت امروز ء گم
اودا

کننت سائیل تئی یاتانی دریاء
گوز انت ہر بیگہ ء کونجانی رم اودا

کسانی لڈ اتگ گوں موسم ء سبزیں
نہ استیں ساہگہ، لئیے، نہ جم اودا

دوئیں یلکین تیاب ء دامن ء بہراں
ادا گیشتر پُر شان انت چول، کم
اودا

بریں چاریں چنیں عادل ندارہ
یے

گشت کہ پشکپنت انسان ء چم
اودا

*

بلوچی اکیڈمی کوئٹہ

زہیرؑ ماہکان چادر بہ بہوتیں
 زِرؑ گیابان ء گیابان زِر بہوتیں
 نہ سنگے ساہگؑ مہرؑ بہ پُشتیں
 نہ پلے آزگیں آہر بہوتیں
 نُوں زانتؑ آزمان بُزتر روان انت
 نُوں انسان آچ وتا مستر بہوتیں
 کپوتے کشنگ ات من پیرِ گاہؑ
 اگن ذرچکانؑ بانزل پر بہوتیں
 گوں ارساں ریدگیں سوتے کماتیں
 دلؑ گرکؑ گمؑ زیر بہوتیں

*



24

گم تئی کوہیں دلؑ مار ات نہ کت
 حال من جندؑ وتی چار ات نہ کت

بس ہے تئی کار گوں من نثر نہ بوت
 دل دوبر پر تو من نزار ات نہ کت

دوشی آ مہر ء وپاء سرگوپؑ
 واہگؑ بانور سینگار ات نہ کت

سوچ چشیں ذرچکؑ، گواتؑ، ساہگؑ
 مرگیؑ دمبرت، ساسار ات نہ کت

تئی جتائی آسے روک انت سینگؑ
 گم تئی چہ دیدگؑ گوار ات نہ کت

انچو وہدؑ جت درآمد کت بچار
 ساہگؑ ہم مارا بچار ات نہ کت

پہ ہے نیمونؑ عادل شیر گشت
 زندگیؑ نشت ء اپار ات نہ کت

*

بلوچی اکیڈمی کوئٹہ

25



*

دُرچلیءِ بستر معنا انت ترا
 زندگی نُوکی شناسا انت ترا
 تُو منی چمّانی سنجیں آزماں
 والے چو استار گُٹءِ انت ترا
 عاشقی تُو نے نگاہان انت تئی
 شازی پادینکے پادءِ انت ترا
 تُو کہ مہرءِ پیرِ گاہءِ ساہگے
 موسیٰ تبدئے مہ جنت دُعا انت ترا
 ما تئی چمّانی اُردگ رتگیں
 مُشکلیں نُوں گندگءِ بیا انت ترا
 بیا منی تُنگیں اہدءِ ریگزار
 بیا کہ مرچی گوانک دریا انت ترا
 کُکراں نَز آرگءِ نئے صورتءِ
 پُر شگیں آدینکے دیمءِ انت ترا

زمینءِ پُل سُر پنت مہرءِ آزماں سنجیت
 اجب نہ انت کہ منی مہروان بچکندیت
 ہمتی لہم ءِ بزیں بانڑلاں سدیت تاکے
 بلیت روچ منی اہدءِ ساہگءِ سوچیت
 اے چونیں جاگے شیدائیں سر منی کپتگ
 نہ راہ گشیت تئی میتگءِ نشان رَسیت
 آ دردءِ شیرکینیں لذت منی دلءِ انجو
 زبانءِ کُچلیں تامے چو بینگءِ بہ کپیت
 وداءِ پُلاں لگت دنت کنیت ہمک بیگاہ
 تئی زہیر دلءِ گرکءِ بینگے بندیت
 گشیت جہان منا شازے بلئے عادل
 منی جبیںءِ تھا کسے شیر پر بندیت

*

بلوچی اکیڈمی کوئٹہ

26

گواتِ لَنٹانی سرا ایر کُتہ
 آس عشقِ نُون سک دلیر کُتہ
 کسی بے زبانیں مُرگ دل
 چم کُتہ، ٹک کُتہ، گلیر کُتہ
 زُلبِ مرچی تو مینتگاں مہلب
 گواتِ مرچی تو سرءِ چیر کُتہ
 نُون کدوہاں زہیر کنت پتو
 بیا او شانتل تو چچو دیر کُتہ

*



ندارہ گڈسرا پش کپت جُپتے چم
 داں شینکاں آزمانِ گوپت جُپتے چم
 من پاد اتکاں گم بے لذتیں واب
 گمانِ پیرِ گاہ ویت جُپتے چم
 تنی دیدار بوت آسر ہما سہت
 گشتے ماہِ سرءِ سر کپت جُپتے چم
 ہمائیں سرجیں چاگرد بے منیم انت
 ہمائیں شہر دَمکاں رپت جُپتے چم
 داں بیگاہِ مَجاں کپت انت، گمترنت
 سباءِ کمہیں کُٹءِ سرپت جُپتے چم
 نُون اودا چول جنت سبزیں زرے ہرو
 گشت بے رنگیں پلکاں کپت جُپتے چم
 پدا سستنت دلِ اوتاگ اچتو پد
 پدا تہنائیِ جمبوریں آس تپت جُپتے چم

*

بلوچی اکیڈمی کوئٹہ

27



*

موسمِ تب نہ سمبھیت مرچی
زندہ آدینک دیم دَرنِینِ انت
کئے مُرادانی سستگنت استار؟
ماہِ دامن بچار ارسینِ انت
واہیں انسانِ بنیمیء گُٹء
چمے آگہ ء چمے واہینِ انت
کسے گوستگ چدا گشتے عادل
گواتء ارواہ اول مہلبء مینِ انت

بلوچانی توار شہدینِ انت
میسک پُلِ انت ء رنگ آہینِ انت
شہر چٹاں وتی بہ پھریزیت
گواتء دامن پدا گبارینِ انت
قیامتی انت گنوک امروز
آپ کشک انت ء آس ہنکینِ انت
ہور باریں کدی ادا گوستگ
جاہے جاہے زمین نمبینِ انت
کبر سر رتلگنت کپوتانی
نوبتء زہم انگہ ہونینِ انت

بلوچی اکیڈمی کوئٹہ

28



گوات ۽ لٹکاں لہمیں زیرے پتاہاں بوت
ہور جنگل ۽ سبزیں چادرے پتاہاں بوت

بیگہ یے گوں تئی یاتاں بے کراری ۽ کٹ ۽
درد ۽ مہلبیں شیراں شاعرے پتاہاں بوت

تو ادا اتے پسن آزمان ساچان ات
تو چداشت ۽ ذرد ۽ اشکرے پتاہاں بوت

ہو پدا ما اولاک ۽ اوست چہ دل ۽ درکت
عمر ۽ دوسریں کشک ۽ ہاترے پتاہاں بوت

اہد ۽ تنگیں چم ۽ ارس پہک نہ کت کس ۽
رنگ ۽ روگنیں شہر ۽ داں زرے پتاہاں بوت

ما سپر کنان بوتیں دانکہ ہورک اتنت چاگل
آزمان ۽ دلبد ۽ کوہگرے پتاہاں بوت

مرگ لڈ اتنت مہر ۽ بیتواری ۽ عادل
زمان ۽ گیابان ۽ سہگرے پتاہاں بوت

*

مہر ۽ آبریشمیں دام ۽ سرا
زندگی ندر انت تئی نام ۽ سرا

کتیپ جی انت زمان ۽ آنزانت
کچل ۽ نوشت گم ۽ تام ۽ سرا

تئی پہ وش آہت ۽ دل ۽ نیکیں مراد
پل ریچاں بنت ہمک گام ۽ سرا

دل نہ بیت ماتیں وطن پہ تپسگ ۽
ساہگے بستگ بلے وام ۽ سرا

بل زمانگ ہر حساب ۽ گپ جنت
منے دل انت عادل گل اندام ۽ سرا

*

بلوچی اکیڈمی کوئٹہ

دلِ زبانِ تئی دردِ شہدیں تام پر انت
ہداءِ شکر انت منا شائریء نام پر انت

ترا کہ درد پر انت اگدہ داریء دائم
منارا ڈیہہء ہمک دُرچکء دارء وام پر انت

مرو کہ شپ چوتہار انتء راہ انت دُور تئی
بجل کہ مرچی دلِ بیتگء تئی شام پر انت

تو امیں دوست وقی منزلء سر انت عادل
روائے تو کہ تئی منزلء دو گام پر انت

*



آئیء وہدے وتء سیگارِ اتگ
شپ چراگء دامنء نزارِ اتگ

یک یکء نرپنگ انت باگء
گلاب

بلبلاں وہدے پتو شیرازِ اتگ

ساوڑی استیناں دوستء رُکستء
لہم لہمء راہ ء رنداں گوارِ اتگ

کئے گوشتیت ”ماہء گبارے ماں
دپء نی نی

ھیرت، ھیرتء لال دوشی چارِ اتگ

چچ نہ زانت عادل تنیگہ عاشقیں
گیدیء آدینک کئیء پلگارِ اتگ

*

بلوچی اکیڈمی کوئٹہ

نوں آزمانء گوپنگیں جمبر نہ بنت پدا
سائیل پمنء تئی مہپر نہ بنت پدا

مرچی تیابء لمبء کئیء پادشُشگلنت
چول آنت زراءِ چہ کاینٹء واتر نہ بنت پدا

30



آؤرت وشبو پدا تئی سرگواتء
کُت منا مرچی در پہ درگواتء

چندیں دور، ململیں آچار
بست دلء بوجیء سپرگواتء

انگہ روک انت چراگ اوستانی
کشتہ بے مہریء سترگواتء

بے تو زندگ نہ بنت پُل پدا
سرگرئے گوں وتا ببرگواتء

انچیں بے زانتیں موشے اتمہ
رُپنگنت زانتء ذرچکء برگواتء

گوات ذرچکانی ساہگاں گڈیت
ہو نہ گڈیت بلئے تہرگواتء

بلوچی اکیڈمی کوئٹہ

کاپورہ

دانکہ ہمہ رزنائیء چیدگ نگاہاں گوستگ ات
 من چہ حیلانی در یگ ء سہتے سرکش اتگ
 گواچن ہمیش ات پمن ء
 تئی دُوری ء اومان انچو بوتگ ات
 چومند تے روج ء سرا
 یاتانی کاپورہ بہ بیت

دوشی توا انچونوک ات ے
 انچو کہ اتید ء نوک بیت
 داب ء کپوتیں شینک تئی بالاد ء آثر اپ ء اتنت
 مہرگ ترپوکیں نکش اتنت پیشانی ء سنج ء تئی
 شیر لذتیں واہگ گشے ...
 پمن چوماہکانیں مرادے رتگ ات
 زلپ ء تنکلیں و شبویے
 گوات ء سبکیں زیرے
 امباز ء گرین مہلباں گوں میتنگ ات

من چہ جتائی ء ہمک ذردیں گم ء نا آشنا
 گوں سبز ء سُہریں موسمانی کدہاں
 نژیکی ء واہش تئی گیشترکتگ



بلوچی اکیڈمی کوئٹہ

گوزان انت میزاں میزاں
 شپء مکء رُ دیت بُر مشے
 نہ سنجیں ساگے روجء دلء شہمیت
 ادا بس چول جنت دریا...
 ترپوکیں مہرگاں آسء بلورء کنت
 ادا امروز...
 ...گواتء دامنء بستگ چو کندیلء
 بہ پھریزے

32



سفر بے رنگیں آچارے...

سفر بے رنگیں آچارے...
 نوانے نشتگیں منء تو
 مناو ابء کل مہر گون
 ترادابء تنگیں شینک
 بلے موسم نہ انت کشکے
 محبان انت دُور آدینکے
 ادا چمے نہ استارے...

سفر بے رنگیں آچارے...
 اُمیتء بوجیء سوار انت

بلوچی اکیڈمی کوئٹہ

شانتل

شانتل منی شانتل منی
نکش آنت تئی بانڈل لگیں
بادام تئی چٹاں رچنت
گریھا تئی مہرگ جڈیں
گندیم تئی سُنٹء شپیں
بالاں تئی نازینگیں
شانتل منی توکل بکن
.....روحء بگر.....

گوات ء دل ء حنجر بجن
گوں جمبراں دستے بہ مل
گیاب ء دل ء رثنائی ء
چم گوں ترا من بستگت
کوه ء تلارانی وتی

33



گم گوں ترا من بستگت
ڈرچکاں بدن پیڑاتگ آنت
اُمیت زند ء چیدگ انت
بانڈل تئی نازینتگ آنت
مرچی ترا راہی کتگ
جزماں دل ء روح ء گرے
رژناہ کنتے تاموری ء
تاموری ء ساکندن ء
آپ ء رو ء برپ بستگیں
تاپے ڈگار ء رہ کنتے
رہنیں زبان ء سانکلاں
مُوک نئے پدا آجو کنتے